

Rekursu Prevensaun Programa Nabilan Nian

FOLLA INFORMATIVA 3. APROSIMASAUN LIDERA LIUHOSI KOMUNIDADE HODI PREVENE VIOLÉNSIA HASORU FETO

Atualizado Dezembro 2016

Definisaun Xave

Saida mak comunidade ida?

“Komunidade ida mak grupu ema sira ho karakterístika oioin ne’ebé iha ligasaun liuhosi relasaun sosiál, fahe perspektiva komún, no envolve an iha [atividade] hamutuk iha fatin ka lokál jeográfiku” (McQueen 2001).

Saida mak lidera-liuhosi-komunidade?

Aprosimasaun lidera-liuhosi-komunidade fiar katak ‘komunidade’ (hanesan define iha leten) bele hatán ba ninian asuntu no dezafiu sosiál sira. Abordajen lidera-liuhosi-komunidade sira fó dalan ba partisipasaun comunidade no asegura katak projetu sira mak kontestualmente no kulturalmente relevante (Anderson 2011).

Importánsia aprosimasaun lidera-liuhosi-komunidade ba prevensaun violénsia

Hanesan esplika tiha ona iha Folla Informativa 1, karakterístika ida hosi aprosimasaun efetivu hodi hapara violénsia hasoru fetu no labarik mak katak aprosimasaun sira tenke lidera liuhosi comunidade;


Rede kompleksu hosi norma sosiál sira eziste iha sosiedade hotu hotu, espesifikamente ho relasaun ba jéneru, aseitasaun ba violénsia no privasidade família nian (Heise, 2011). Nune’e, esensial atu uza prosesu lidera-liuhosi-komunidade sira atu identifika comunidade sira-nia rede espesífiku nomós ba comunidade sira rasik atu dezenvolve aprosimasaun sira hodi hapara no troka fali norma hirak-ne’e.

Prosesu Pasu-ba-Pasu hodi hala’o Aprosimasaun Lidera-liuhosi-Komunidade

Komponente ida ne’e hanesan matadalan pasu-ba-pasu kona-ba oinsa bele komesa no fó apoiu ba aprosimasaun lidera-liuhosi-komunidade (Modelu CIET-nian pa pasu 4 ho 5). Pasu sira ne’e aplika ba organizasaun sira ne’ebé halo tipu programa oioin, la’ós deit programa sira kona-ba prevensaun violénsia.

- 1 Komunidade identifika katak asuntu sosiál ida mak problema no iha hakarak atu halo buat ruma hodi hadi’ak.
- 2 Lori membru comunidade sira hamutuk hirak-ne’ebé iha interese atu hala’o mudansa sosiál kona-ba asuntu ne’e. Importante atu halibur representante sira hosi parte hotu hotu iha comunidade, liuhosi/tuir Modelu Ekolójiku.
- 3 Kria ambiente kondusivel no seguru ba grupu atu bele harii nia baze/fundasaun iha forza comunidade nian no dezenvolve vizaun ida ba comunidade ‘livre’ hosi asuntu sosiál ne’e.
- 4 Hala’o peskiza partisipativa (hanesan levantamentu no grupu foku sira) lidera-liuhosi-komunidade ne’ebé halibur dados hosi comunidade kona-ba asuntu sosiál ne’e.
- 5 Hato’o fali evidénsia lokál hosi peskiza komunitária liuhosi grupu diskusaun sira. Uza prosesu koletivu sira hodi fó tulun atu dezeña intervensaun sira iha nivel lokál.

Figura 1: Prosesu ba Aprosimasaun Lidera-liuhosi-Komunidade



- 6 Halibur hamutuk servisu lokál sira hodi tulun ho intervensaun sira. Hametin intervensaun prevensaun sira-ne'e iha abordajen prestasaun servisu lokál baibain nian.
- 7 Hala'ó pilotu ki'ik ba intervensaun sira hodi koko sira-nia susesu. Hametin ferramenta monitorizasaun no avaliasaun hodi komprende no aprende hosi buat ne'ebé la'ó di'ak no buat ne'ebé la serve.
- 8 Habelar intervensaun komunitária ne'ebé susesu ba comunidade tomak ho rekursu no prosesu ba monitorizasaun no avaliasaun hodi komprende no aprende hosi buat ne'ebé la'ó di'ak no buat ne'ebé la di'ak/serve no atu monitoriza mudansa sira.
- 9 Uza evidénsia atu advoga ba mudansa estruturál ba susesu sustentadu.

**Sai konxiente kona-ba impaktu hosi diferença jéneru no kbiit ba ema sira-nia abilidade atu participa ho laran tomak n.e. karik inan sira labele halo parte iha atividade hotu hotu tanba sira-nia la'en nia espetativa katak sira sei haree ba labarik sira, ka mane klosan seidak kaben karik labele fahe sira-nia hanoin ho maneira nakloke iha forum ida hamutuk ho mane katuas sira iha suku laran, nst. Sai konxiente kona-ba grupu hirak-ne'e no hametin katak sira bele participa no sira iha asesu ba servisu sira (Anderson 2011).*

Lista Aproximasaun lídera-liuhosi-komunidade (LLK):

Aproximasaun LLK sira mak:	Aproximasaun LLK sira mak la'ós:
Hakiak ka promove kbiit koletivu	Uza kbiit hasoru ema seluk
Envolvimentu sustentavel ho comunidade	Atividade ne'ebé hala'ó dala ida-de'it
Sistemátiku	Kurtu-prazu ka halo hela laiha planu
Multi-dimensionál	Halo hela ho estratéjia ida-de'it
Prosesu ida	Projetu ida
Luta ba justisa sosiál	Solusaun tékniku ba tempu badak de'it
Kona-ba oinsá atu hakiak ativizmu	Kona-ba implementasaun atividade sira
Presiza gama ema, grupu no instituisaun oioin	Bele/Posivel ho individuál ka grupu balu de'it
Ultrapassa ka hakat liu individuál hodi influénsia grupu sira	Foka de'it ba ema individuál sira
Harii hela rede sosiál sira	Halo individuál ka grupu sira atu fahe-malu
Hakiak hela valór alternativu sira	Fornese de'it informasaun no faktu sira
Estimula hanoin krítiku	Fó hatene ema saida sira tenke hanoin
Integradu no inkluzivu	Limitada ba individuál ka grupu spesífiku sira
Bazeia ba prinsípiu direitus umanus	Bazeia ba benevolénsia ka protesionizmu
Pozitivu no solidáriu	Fó sala no hamoe
Demokrátiku	Ierárkiku
Muda norma sira	Halo mudansa ba hahalok spesífiku
Koletivu: ema hotu hotu tenke serbisu hamutuk hodi hamosu mudansa	Bele/Posivel ho individuál sira ne'ebé foti asaun iha izolamentu
Foka ba benefisiu hosi mudansa	Foka ba rezultadu negativu no punisaun
Foka ba kauza-abut (dezekilíbriu podér)	Foka ba manifestasaun violénsia nian

Fonte: Raising Voices. 2008. The SASA! Activist Kit for Preventing Violence against Women and HIV: Introduction. Raising Voices: Kampala. (Inspira liuhosi www.transformingcommunities.org)

Atu hatene informasaun liután kona-ba Rekursu Prevensaun ne'e, kontaktu ba:

Xian Warner | Koordinador Prevensaun, Programa Nabilan: Hapara Violénsia hasoru Feto
Fundasaun Ázia | Xian.warner@asiafoundation.org | +670 331-3457